

*Lit. A et B*⁵⁷ Zumallen aber dem alhiesig Curfürstlichen *Pflegscommoszario* wegen eingefangnen Plaz von der Pfleg- oder Amtswisen zur Holzlag 5 Preu, vnnd dem Curfürstlichen Casstner alhie von der zum Curfürstlichem Cassten vrbar gewesten vnd hernach zum Preuamt gezognen Stattmühll, für gehabt Klaindienst 4 Preu. Dann zum Schloss Randeckh wegen des Tribs yber selbige Wisen in Abführung des Holz 1 Preu verbracht worden. Alß trifft vnnd ist inen solches Gelt bezalt worden, nemblich dem Curfürstlichem *Pflegscommiszario* 14 fl. 47 kr. 2 d., Curfürstlichem Casstner 11 fl. 50 kr. — vnnd der Herrschafft Randeckh 2 fl. 57 kr. 2 d., dise obiger Summa *defalcirt* verbleibt Irer Curfürstlich Durchlaucht, Vnserem genedigisten Herrn etc .

1735 fl. 25 kr.

[fol. 39v]

Summa der Einnamb an Tröbergelt

wie vorher

1735 fl. 25 kr.

Ist heür gegen fert wegen stöckherm Verschleiß mehr vmb 67 fl. 25 kr.

[fol. 40r]⁵⁸

Einnamb vmb verkauffte Piervuß

Bey disem Preuwesen ist Herkommen, daß die Pierführer vnnd andere von iedem Ganz vnnd Halben Viertel Vass, es seye alt oder neue, guet oder schlecht, so sie zum Ambt lifern vnnd dagegen Pier abführen, 1 kr. bezallen müessen. Welches zusamb gelegt vnnd hierumben das ganze Jar hindurch die bedürfftigen Vass beygetrachtet vnnd hieyon der Kueffer, wie an seinem Orth hernach in Außgab verrechnet, bezalt wirdet. Daß hat nun an heür von 18445 Ganzen vnnd 4240 Halben Vassen getroffen, dafür *fol.* 36 die Vass in Außgab kommen

378 fl. 5 kr.

Die ienigen aber, so keine Vass haben vnnd lifern, müessen dergleichen beim Ambt erkauffen vnnd für 1 Ganzes 1 fl. vnd Halbes 40 kr. bezallen, auf welche Weis diß Jar 5 Ganze vnd 4 Halbe Viertel hinweckh vnnd dafür eingangen

7 fl. 40 kr.

⁵⁷ Lit(t)era(e) (lat.): Buchstabe(n). Sh. hierzu HA 1663/64, Das Rechnungsbuch. Kein Zeilenumbruch im Original.

⁵⁸ Auch an dieses Blatt ist ein Blattweiser geklemmt. Sh. oben, S. 5, Anm. 2.